

Broj : UPI 03-34/13-37 /15
Sarajevo, 07.01.2016. godine

UDRUŽENJE POSLODAVACA FEDERACIJE BIH
Mula Mustafe Bašeskije broj 12.
SARAJEVO

Predmet : Rješenje , dostavlja se

U skladu sa članom 245. Zakona o upravnom postupku („Službene novine Federacije BiH“, broj 2/98 i 48/99), dostavljamo vam u prilogu Rješenje Vlade Federacije BiH broj : 03-02-21/2016 o ukidanju po pravu nadzora Rješenja Federalnog ministarstva rada i socijalne politike o utvrđivanju reprezentativnosti Udruženja poslodavaca Federacije BiH, broj: UPI 03-34/13-37 /15 od 21.12.2015. godine.

S poštovanjem,


MINISTAR

Vesko Drljača



PRILOG: kao u tekstu

Broj: 03-02-21/2016
Sarajevo, 06.01.2016. godine



VRLO HITNO

FEDERALNO MINISTARSTVO RADA I SOCIJALNE POLITIKE
gosp. Vesko Drljača, zamjenik premijera Federacije Bosne i Hercegovine I ministar

Predmet: Rješenje, dostavlja se

U prilogu se dostavljaju tri primjerka Rješenja broj: 03-02-21/2016 od 06.01.2016. godine, koje je Vlada Federacije Bosne i Hercegovine donijela na svojoj 25. hitnoj sjednici, održanoj 06.01.2016. godine.

U skladu sa članom 245. Zakona o upravnom postupku („Službene novine Federacije BiH“, br. 2/98 i 48/99), potrebno je da Ministarstvo Rješenje dostavi stranci, odnosno Udruženju poslodavaca Federacije Bosne i Hercegovine.

S poštovanjem,



SEKRETAR
mr. sc. Edita Kalajdžić

Prilog: Kao u tekstu

Broj: 03-02-21/2016
Sarajevo, 06.01.2016. godine

Na osnovu člana 261. st. (1) i (2), u vezi sa članom 260. stav (2) Zakona o upravnom postupku („Službene novine Federacije“, br. 2/98 i 48/99) i članom 128. Zakona o radu („Službene novine Federacije“, broj: 62/15), po službenoj dužnosti, Vlada Federacije Bosne i Hercegovine, na 25. hitnoj sjednici, održanoj 06.01.2016. godine, donosi

RJEŠENJE

1. Ukida se po pravu nadzora Rješenje Federalnog ministarstva rada i socijalne politike o utvrđivanju reprezentativnosti udruženja poslodavaca na teritoriji Federacije Bosne i Hercegovine, broj: UPI 03-34/13-37/15 od 21.12.2015. godine.
2. Nalaže se Federalnom ministarstvu rada i socijalne politike da u obnovljenom postupku za utvrđivanje reprezentativnosti udruženja poslodavaca na teritoriji Federacije Bosne i Hercegovine, po službenoj dužnosti pribavi vjerodostojne podatke o ispunjavanju uvjeta iz člana 128. stav (2) Zakona o radu.
3. Ovo rješenje stupa na snagu danom donošenja.

Obrazloženje

Rješenjem Federalnog ministarstva rada i socijalne politike o utvrđivanju reprezentativnosti udruženja poslodavaca na teritoriji Federacije Bosne i Hercegovine, broj: UPI 03-34/13-37/15 od 21.12.2015. godine utvrđeno je da je Udruženje poslodavaca Federacije Bosne i Hercegovine reprezentativno udruženje poslodavaca na teritoriji Bosne i Hercegovine. Istim rješenjem utvrđeno je i da je Udruženje poslodavaca Federacije Bosne i Hercegovine, odnosno članice tog udruženja, reprezentativno udruženje na području kantona.

Članom 128. Zakona o radu propisano je da se Udruženje poslodavaca smatra reprezentativnim:

- a. ako je upisano u registar u skladu sa zakonom;
- b. ako ima potreban broj članova;
- c. ako se finansira pretežno iz članarina i drugih vlastitih izvora.

Reprezentativnim udruženjem poslodavaca smatra se udruženje poslodavaca čiji članovi zapošljavaju najmanje 20% od ukupnog broja zaposlenih u privredi na teritoriju Federacije, odnosno području kantona.